



Centar za zastupanje
građanskih interesa

Saopštenje za medije Regionalna energetska strategija

17. oktobar 2012, Banjaluka/Sarajevo – Ministri vlada u regiona doneće odluku da li će biti usvojen nacrt Regionalne energetske strategije, koja predviđa ulaganja od 44 milijarde evra. Ova Strategija ima veliki nedostatak - desetine miliona građana regije nije imalo priliku da sazna šta se planira ovom Strategijom. Međutim, ti isti građani će plaćati realizaciju planiranih projekata kroz poskupljenje cijena i poreze, kada Strategija bude usvojena.

Želimo da obavijestimo javnost da je grupa organizacija civilnog društva iz Bosne i Hercegovine i regiona uputila apel članovima Vijeća ministara Energetske zajednice Jugoistočne Evrope, uključujući i Ministra Mirka Šarovića, sa zahtjevom da se odloži usvajanje nacrta Regionalne energetske strategije koje je zakazano za 18. oktobar, na sastanku Vijeća ministara u Budvi.

Razlozi za ovaj apel su sljedeći:

- Javnost i organizacije civilnog društva su bile potpuno isključene iz procesa konsultacija tokom izrade Strategije. Takođe, u nacrtu Strategije se navodi *“da revizije i izrade novih nacionalnih energetskih strategija moraju biti usaglašene sa ovom Strategijom”*, čime se javnost lišava mogućnosti učešća i uticaja na prioritete u oblasti energetike. *Apelovali smo na Vijeće ministara da odlože usvajanje Strategije sve dok Energetska zajednica adekvatno ne odgovori na svoje obaveze u pogledu javnih konsultacija u skladu sa standardima Arhuske konvencije.*
- Nacrt Strategije ne sadrži stratešku procjenu uticaja na životnu sredinu, što je veliki propust. *Smatramo da je neophodno da Vijeće ministara Energetske zajednice usvoji odluku kojom će biti obezbjeđeno adekvatno finansiranje i realizacija strateške procjene uticaja na životnu sredinu prije nego što finalna verzija Regionalne energetske strategije bude stavljena na usvajanje.*

Apel su potpisali: Ornitološko društvo "Naše ptice", Sarajevo; Udruga "Naša baština", Tomislavgrad; Udruženje za zaštitu okoline "Zeleni Neretva", Konjic; Centar za zastupanje građanskih interesa, Sarajevo i Centar za životnu sredinu, Banjaluka.

U prilogu možete naći pismo upućeno članovima Veća ministara Energetske zajednice, uključujući Ministra Mirka Šarovića iz Ministarstva za vanjsku trgovinu i ekonomske odnose BiH.





Centar za zastupanje
građanskih interesa

Za više informacija:

Miodrag Dakić, Koordinator Programa energija i klimatske promjene, Centar za životnu sredinu
051 433 140, 066 475 444, miodrag.dakic@czzs.org

CPI je nevladina, neprofitna organizacija koja prikupljanjem, analizom i objavljivanjem podataka od interesa za građane, te njihovom promocijom, aktivno podržava izgradnju civilnog društva. Fondacija CPI nastoji omogućiti da javni i verificirani podaci važni za građane BiH budu lako dostupni u kontekstu i na način kojeg može razumjeti građanin koji se profesionalno ne bavi javnom administracijom i javnim finansijama.

